



Broj: 01/1-50-1-1-45/08
Sarajevo, 8. 7. 2008. godine

Z A P I S N I K

45. sjednice Ustavnopravne komisije

Sjednica je održana 3. 7. 2008., s početkom u 10 sati.

Sjednici su prisustvovali članovi Komisije: Šefik Džaferović, Martin Raguž, Drago Kalabić, Momčilo Novaković, Ekrem Ajanović, Adem Huskić, Lazar Prodanović, Halid Genjac i Velimir Jukić.

Osim članova Komisije, sjednici su prisustvovali i: Mirsad Kikanović i Željko Pešić iz Ministarstva vanjske trgovine i ekonomskih odnosa BiH.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Predsjedavajući Komisije predložio je da se, kao tačka, u dnevni red uvrsti i Prijedlog zakona o izmjenama i dopunama Zakona o upravnim sporovima BiH. Komisija je jednoglasno prihvatila navedeni prijedlog i usvojila sljedeći

D N E V N I R E D

1. Usvajanje Zapisnika 44. sjednice, održane 26.6.2008. ;
2. Razmatranje inicijative o organiziranju informativne sjednice o problemu korupcije i organiziranog kriminala (**dogovor o aktivnostima u vezi s organizacijom informativne sjednice u skladu s dopisom Kolegija Doma broj: 01-05-98/08, od 10.6. 2008.**);
3. Prijedlog zakona o prestanku važenja Zakona o flaširanim pitkim vodama BiH, predlagač: Vijeće ministara BiH (**usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma**) ;
4. Prijedlog zakona o izmjeni Zakona o carinskoj politici, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
5. Prijedlog zakona o izmjenama i dopunama Zakona o upravnim sporovima BiH, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
6. **Ostala pitanja:**
 - Razmatranje zahtjeva Ureda agenta Vijeća ministara BiH pred Evropskim sudom za ljudska prava (**razmatranje zahtjeva u skladu sa članom 41. stav (2) Poslovnika Doma u vezi s dopisom Kolegija Doma broj: 01,02-50-3-665/08, od 17.6.2008.**);
 - Zahtjev Ustavnog suda BiH za mišljenjem o Zahtjevu za ocjenu ustavnosti čl. 22. i 23. Zakona o izmirenju obaveza po osnovu računa stare devizne štednje („Službeni glasnikBiH“,br. 28/06), podnosioca člana Predsjedništva BiH Nebojše Radmanovića (**razmatranje zahtjeva u skladu s članom 41. stav (1) tačka g) Poslovnika Doma**);
 - Zahtjev za autentičnim tumačenjem odredbi Zakona o sistemu indirektnog oporezivanja u BiH i Zakona o Upravi za indirektno oporezivanje u BiH (**razmatranje zahtjeva u skladu s članom 137. stav (1) Poslovnika Doma**);

- Informacija o održanom sastanku predsjedavajućih ustavnopravnih komisija oba doma Parlamentarne skupštine BiH u vezi sa zahtjevima za autentičnim tumačenjima (razmatranje zaključaka sa sastanka održanog 17.6.2008.).

Ad. 1. Usvajanje Zapisnika 44. sjednice, održane 26. 6. 2008.

S obzirom da nije bilo rasprave, Komisija je jednoglasno usvojila Zapisnik 44. sjednice.

Ad. 2. Razmatranje inicijative o organiziranju informativne sjednice o problemu korupcije i organiziranog kriminala (dogovor o aktivnostima u vezi s organizacijom informativne sjednice u skladu s dopisom Kolegija Doma broj: 01-05-98/08, od 10.6. 2008.)

Predsjedavajući je otvorio raspravu u kojoj su učestvovali: Branka Todorović, sekretar Predstavničkog doma PSBiH, Momčilo Novaković, Adem Huskić, Drago Kalabić, Šefik Džaferović, Martin Raguž, Ekrem Ajanović, Halid Genjac i Velimir Jukić. Nakon rasprave, Komisija je jednoglasno prihvatila sljedeće zaključke:

- Ustavnopravna komisija odlučila je da se uvede praksa organiziranja informativnih sjednica u skladu s čl. 37. i 162. Poslovnika Doma;
- Komisija je prihvatila inicijativu da organizira informativnu sjednicu o naznačenom pitanju;
- Komisija je odlučila da se na informativnu sjednicu pozovu ministri sigurnosti i pravde BiH;
- Komisija je odlučila da će se sjednica održati tokom jula, nakon konsultacija i dogovora Kolegija Komisije.

Ad.3. Prijedlog zakona o prestanku važenja Zakona o flaširanim pitkim vodama BiH, predlažać: Vijeće ministara BiH (usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma)

Predsjedavajući je otvorio raspravu u kojoj je učestvovao predstavnik Ministarstva vanjske trgovine i ekonomskih odnosa BiH Željko Pešić.

Komisija je, nakon rasprave, jednoglasno, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna Komisija jednoglasno je podržala principe predloženog zakona.

Ad. 4. Prijedlog zakona o izmjeni Zakona o carinskoj politici, predlažać: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

Predsjedavajući je otvorio raspravu u kojoj je učestvovao član Komisije Momčilo Novaković. Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad. 5. Prijedlog zakona o izmjenama i dopunama Zakona o upravnim sporovima BiH, predlažać: Vijeće ministara BiH (postupak u nadležnoj komisiji u skladu s članom 110. Poslovnika Doma)

Nakon rasprave, Komisija je jednoglasno utvrdila sljedeće:

- Ustavnopravna komisija prihvata tekst Prijedloga zakona o izmjenama i dopunama Zakona o upravnim sporovima BiH i predlaže Predstavničkom domu njegovo usvajanje;
- Za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

S obzirom da su neki članovi Komisije obavijetili predsjedavajućeg o postojanju ranije utvrđenih obaveza zbog učešća u radu drugih komisija, jednoglasno je prihvaćen prijedlog predsjedavajućeg da se nastavak 45. sjednice održi 8.7.2008. u 13. sati.

Nastavak 45. sjednice održan je 8.7.2008. u 13 sati.

Sjednici su prisustvovali svi članovi Komisije, osim Ekrema Ajanovića.

Sjednici su prisustvovali i Igor Bajić, sekretar Komisije, i Nedžad Salman, stručni saradnik.

U nastavku 45. sjednice Komisija je razmatrala preostale tačke dnevnog reda.

Ad. 6. Ostala pitanja:

- **Razmatranje zahtjeva Ureda agenta Vijeća ministara BiH pred Evropskim sudom za ljudska prava (razmatranje zahtjeva u skladu s članom 41. stav (2) Poslovnika Doma u vezi s dopisom Kolegija Doma broj: 01,02-50-3-665/08, od 17.6. 2008.)**

Predsjedavajući je otvorio raspravu u kojoj su učestvovali svi članovi Komisije.

Nakon rasprave, Komisija je jednoglasno konstatirala sljedeće:

- Ustavnopravna komisija razmatrala je navedeni zahtjev;
- U toku rasprave iznesena su različita mišljenja o kojima Komisija nije mogla postići jedinstveno mišljenje kao odgovor na dva postavljena pitanja.
- **Zahtjev Ustavnog suda BiH za mišljenjem o Zahtjevu za ocjenu ustavnosti čl. 22. i 23. Zakona o izmirenju obaveza po osnovu računa stare devizne štednje („Službeni glasnik BiH“, br. 28/06), podnosioca člana Predsjedništva BiH Nebojše Radmanovića (razmatranje zahtjeva u skladu s članom 41. stav (1) tačka g) Poslovnika Doma)**

Komisija je nakon rasprave, s pet glasova „za“, dva glasa „protiv“ i jednim „suzdržanim“ glasom, konstatirala:

- Parlamentarna skupština BiH usvojila je Zakon o izmirenju obaveza po osnovu računa stare devizne na 77. sjednici Predstavničkog doma, održanoj 13.4.2006. , odnosno na 57. sjednici Doma naroda, održanoj 13.4.2006.;
- Ustavnopravna komisija ostaje na pozicijama usvojenog zakona.

- **Zahtjev za autentičnim tumačenjem odredbi Zakona o sistemu indirektnog oporezivanja u BiH i Zakona o Upravi za indirektno oporezivanje u BiH (razmatranje zahtjeva u skladu s članom 137. stav (1) Poslovnika Doma)**

Nakon rasprave, Komisija je jednoglasno odlučila:

- Podnosilac zahtjeva nije naveo za koje odredbe zakona traži autentično tumačenje;
 - Ustavnopravna komisija smatra da se zahtjev ne odnosi na autentično tumačenje kojim se utvrđuje istinitost, autentičnost, izvornost i pravilan smisao nedovoljno jasne odredbe zakona i drugog propisa, odnosno općeg akta;
 - Ustavnopravna komisija smatra da se ovim zahtjevom traži mišljenje o karakteristikama institucije, te da to mišljenje treba da daju nadležni organi.
- **Informacija o održanom sastanku predsjedavajućih ustavnopravnih komisija oba doma Parlamentarne skupštine BiH u vezi sa zahtjevima za autentičnim tumačenjima (razmatranje zaključaka sa sastanka održanog 17.6.2008.).**

Nakon rasprave, Komisija je jednoglasno prihvatila informaciju i zaključke sa sastanka predsjedavajućih ustavnopravnih komisija oba doma Parlamentarne skupštine BiH.

Budući da nije bilo više pitanja, sjednica je završena u 15 sati.

SEKRETAR KOMISIJE

Igor Bajić

PREDSJEDAVALAČI KOMISIJE

Šefik Džaferović